

vissimis temporibus invaluit, ut constanti Ecclesiae disciplinā posthabitā, nonnullis in ecclesiis, non alia adhibeantur supellectilia, vel ad sacrificandum, vel ad altarium usum, nisi ex simplici gossypio confecta. Ad hanc corruptelam, quam bene multi consuetudinis nomine coherestare nituntur, radicitiū evellendam, sacra Rituum Congregatio, DECRETUM GENERALE die 13 maii 1819 edidit, quod ven. mem. Pius papa VII approbavit, confirmavit, typisque editum publicari praecepit, ac praeterea iussit ut locorum ordinarii eiusdem observantiae sedulō incubant.

Et haec sunt decreti verba: «Sacra indumenta ac supellectilia conficienda esse ex lino aut cannabe, non autem ex alia quacumque materia, etsi munditia, candore ac tenacitate, linum aut cannabem aemulante et aequante; nec ab antiquo more, sub quolibet praetextu, colore, ac titulo, esse recedendum. Aliquā tamen indulgentiā permittitur ut amictus, albae, tobaleae, mappulae, si quae ex gossypio habentur, adhiberi interea possint usque dum consumentur. Districtè verò iubetur, ut corporalia, pallae, ac purificatoria, post lapsum unius mensis à publicatione huius decreti, linea omnino sint vel ex cannabe; interdicto et vetito aliorum usu quae ex gossypio supererunt.»

PARS QUARTA.

MONITUM PERNECESSARIUM

DE

GRATIARUM ACTIONE POST MISSAM.

Audiamus et sacerdotes et subditi: ante gratiarum actionem resilire, domumque redire, non mediocrem contemptum habet... Vultis dicam cuiusnam opus perficiant illi qui coenā absolutā, gratiarum actionis hymnos non offerunt? Durum fortasse videbitur quod sum dicturus, sed necesse est tamen, ut, ob plororumque negligentiam, dicatur. Quando ultimae coenae communicavit Iudas, nocte illâ postremâ, caeteris omnibus recumbentibus, ipse se prò priopris excessit, illum imitantur et isti, qui ante gratiarum actionem discedunt. Haec igitur mente versemus, haec apud nos cogitemus, et huic propositam sceleri damnationem reformidemus. Ipse suam tibi carnem largitur, at tu, ne verbis quidem eum remuneraris, neque pro his, quae accepisti, gratias agis. Atqui dum hoc corporeo vesceris cibo post mensam ad orationem te convertis; dum verò spiritualis, et omnem creaturam tum visibilem tum invisibilem superantis, fis particeps, tametsi homo sis et vilis naturae, non expectas ut gratias agas et verbis et factis? Quid est aliud quā extremo supplicio sese obnoxium reddere? (Sanct. Ioan. Chrysost. Homil. de Bapt. Christi, in fine).

Haec nos cogitantes, quae nostra sunt omnia erga proximum impleamus, Deoque semper gratias agamus. Etenim absurdum esset, cum quotidie eius beneficiis fruamur, ne verbo quidem eius gratiam confiteri, cum maximè confessio illa magnam nobis utilitatem afferat. Neque enim ille rebus eget nostris, sed nos eius opibus egemus. Nam gratiarum actio illi quidem nihil adiicit, sed nos ipsi magis familiares facit. Nam si hominum beneficia in mente revocemus, magis eorum amore succendimur; multò magis si Domini erga nos beneficia assidùe in mente versemus, ad eius mandata servanda studiosiores erimus. Ideo Paulus dicebat: *Grati estote.* Beneficii enim optima custodia est beneficii memoria, et assidua gratiarum actio. Ideoque illa horrenda mysteria, tam salutaria, quae in singulis collectis celebramus, *eucharistia* appellantur, quia beneficiorum multorum commemoratio sunt, caputque ipsum divinae providentiae ostendunt, nosque per omnia apparant ad gratias agendas. Nam si ex virgine nasci magnum est miraculum, ac stupore percuslus Evangelista dicebat: *Hoc autem totum factum est: immolari pro nobis in quo, quaequo, statuimus loco?* Nam si nasci *totum* vocatur; crucifigi, et sanguinem pro nobis effundere, ac seipsum dare in cibum et convivium spirituale, quo nomine appellandum? Gratias ergo illi assidùe agamus; hoc praecedat et verba et opera nostra. (*S. Ioan. Chrysost. Homil. xxv in Matth. n. 3.*)

GRATIARUM ACTIONES POST MISSAM.

Ant. Trium puerorum. *In dupl. dicitur integra.*
Temp. paschali additur in fine Alleluia.

CANTICUM TRIUM PUEBORUM. (*Dan. III.*)

Benedicite, omnia opera Domini, Domino: laudate et superexaltate eum in saecula.

Benedicite, Angeli Domini, Domino: benedicite, coeli, Domino.

Benedicite, aquae omnes quae super coelos sunt, Domino: benedicite, omnes virtutes Domini, Domino.

Benedicite, sol et luna, Domino: benedicite, stellae coeli, Domino.

Benedicite, omnis imber et ros, Domino: benedicte, omnes Spiritus Dei, Domino.

Benedicite, ignis et aestus, Domino: benedicite, frigus et aestus, Domino.

Benedicite, rores et pruina, Domino: benedicite, gelu et frigus, Domino.

Benedicite, glacies et nives, Domino: benedicite, noctes et dies, Domino.

Benedicite, lux et tenebrae, Domino: benedicite, fulgura et nubes, Domino.

Benedicat terra Dominum: laudet et superexaltet eum in saecula.

Benedicite, montes et colles, Domino: benedicite, universa germinantia in terra, Domino.

Benedicite, fontes, Domino: benedicite, maria et flumina, Domino.

Benedicite, cete et omnia quae moventur in aquis, Domino: benedicite, omnes volucres coeli, Domino.

Benedicite, omnes bestiae et pecora, Domino: benedicite, filii hominum, Domino.

Benedicat Israël Dominum: laudet et superexaltet eum in saecula.

Benedicite, sacerdotes Domini, Domino: benedicite, servi Domini, Domino,

Benedicite, spiritus et animae iustorum, Domino: benedicite, sancti et humiles corde, Domino.

Benedicite, Anania, Azaria, Misaël, Domino: laudate et superexaltate eum in saecula.

Benedicamus Patrem et Filium cum Sancto Spiritu: laudemus et superexaltemus eum in saecula.

Benedictus es, Domine, in firmamento coeli: et laudabilis, et gloriosus, et superexaltatus in saecula.

PSALMUS CL.

Laudate Dominum in sanctis eius : laudate eum in firmamento virtutis eius.

Laudate eum in virtutibus eius : laudate eum secundum multitudinem magnitudinis eius.

Laudate eum in sono tubae : laudate eum in psalterio et cithara.

Laudate eum in tympano et choro : laudate eum in cordis et organo.

Laudate eum in cymbalis benè sonantibus , laudate eum in cymbalis jubilationis : omnis spiritus laudet Dominum.

Gloria Patri, etc.

Ant. Trium puerorum cantemus hymnum quem cantabunt sancti in camino ignis, benedicentes Dominum. Tempore paschali additur, Alleluia.

Kyrie, eleison. Christe, eleison. Kyrie, eleison. Pater noster, etc.

ꝝ. Et ne nos inducas in temptationem;

℟. Sed libera nos à malo.

ꝝ. Confiteantur tibi, Domine, omnia opera tua;

℟. Et sancti tui benedicant tibi.

ꝝ. Exsultabunt sancti in gloria;

℟. Laetabuntur in cubilibus suis.

ꝝ. Non nobis, Domine, non nobis;

℟. Sed nomini tuo da gloriam.

ꝝ. Domine, exaudi orationem meam;

℟. Et clamor meus ad te veniat.

ꝝ. Dominus vobiscum; ℟. Et cum spiritu tuo.

Oremus.

Deus, qui tribus pueris mitigasti flamas ignium, concede propitius; ut nos famulos tuos non exurat flamma vitiorum.

Actiones nostras, quæsumus, Domine, aspirando præveni, et adiuvando prosequere; ut cuncta nostra oratio et operatio à te semper incipiat, et per te coepta finiatur.

POST MISSAM.

Da nobis, quæsumus, omnipotens Deus, vitiorum nostrorum flamas extinguiere, qui beato Laurentio tribuisti tormentorum suorum incendia superare. Per Christum Dominum nostrum. Amen.

ORATIONES DIVERSAE.

Repleti, Domine, muneribus sacris; da quæsumus; ut in gratiarum semper actione maneamus.

Omnipotens sempiterne Deus, fac nos tibi semper et devotam gerere voluntatem, et maiestati tuae sincero corde servire.

Vota nostra, quæsumus Domine, pio favore prosequere: ut, dum dona tua in tribulatione percipimus, de consolatione nostra in tuo amore crescamus.

Deus à quo bona cuncta procedunt: largire supplicibus tuis; ut cogitemus, te inspirante, quæ recta sunt, et, te gubernante, eadem faciamus.

Deus, qui fidelium mentes unius efficis voluntatis: da populis tuis id amare quod præcipsis, id desiderare quod promittis; ut inter mundanas varietates ibi nostra fixa sint corda, ubi vera sunt gaudia.

Deus qui errantibus, ut in viam possint redire iustitiae, veritatis lumen ostendis: da cunctis, qui christiana professione censemur, et illa respuere, quæ huic inimica sunt nomini; et ea, quæ sunt apta, sectari.

Deus, qui in Filii tui humilitate iacentem mundum erexit: fidelibus tuis perpetuam concede laetitiam; ut quos perpetuae mortis eripiusti casibus, gaudiis facias perfrii sempiterni.

Ab omni nos, quæsumus Domine, vetustate purgatos Sacramenti tui veneranda perceptio in novam transferat creaturam.

Praebeant nobis, Domine, divinum tua sancta fervorem: quo eorum pariter et actu delectemur et fructu.

Proficiat, quæsumus Domine, plebs tibi dicata piae devotionis affectu: ut sacris actionibus eruditæ, quanto maiestati tuae fit gratior, tanto donis potioribus augeatetur.

Interveniat pro nobis, quæsumus Domine Iesu Chris-

te, nunc et in hora mortis nostrae apud tuam clementiam beata virgo Maria mater tua: cuius sacratissimam animam in hora tuae passionis doloris gladius pertransivit.

Sanctissimae Genitricis tuae Sponsi, quae sumus Domine, meritis adiuvemur: ut quod possibilitas nostra non obtinet, eius nobis intercessione donetur.

Sumat Ecclesia tua, Deus, beati Ioannis Baptiste generatione laetitiam per quem sue regenerationis cognovit auctorem Dominum nostrum Iesum Christum Filium tuum.

Deus, cuius dextera beatum Petrum ambularem in fluctibus, ne mergeretur erexit: et coapostolum eius Paulum tertio naufragantem, de profundo pelagi liberavit: exaudi nos propitius et concede; ut amborum meritis aeternitatis gloriam consequamur. Qui vivis...

ORATIO

ab beatissimam Virginem Mariam, pro defectibus in sacrificio commissis.

O serenissima et inlyta virgo Maria, mater Domini nostri Iesu Christi, regina coeli et terrae, quae eudem Creatorem omnium creaturarum in tuo sancto utero digna fuisti portare, cuius veracissimum corpus et sanguinem ego indignus sumere praesumpsi: rogo te per virginalem humilitatem tuam, et per passionem et mortem eiusdem Filii tui, ut apud ipsum pro me misero peccatore intercedere digneris; ut quidquid in eius sacrificeione benedictissima ignoranter, negligenter vel incaute omisi, tuis sanctissimis precibus mihi dignetur indulgere. Amen.

O Regina plena maiestatis! ne avertas oculos tuos misericordes à nobis: fac precibus tuis, Mater carissima, ut Deus consumet adoptionem discipulorum in nobis, et gloriosum titulum filiorum, ut cohaeredes effecti dilectissimi Filii tui, eius semper tecum laetemur aspctu. Amen.

PIUM SACERDOTIS EXERCITIUM POST MISSAM.

1. Christus hospes humiliter amplexandus.
 2. Beneficium visitationis eius attentè considerandum.
 3. Infinitae erga se eiusdem bonitas et benignitas admirande.
 4. Propria imparitas ad gratiarum actiones dignè illi reddendas agnoscenda.
 5. Deo Patri eius Filius dilectus offerendus.
 6. Totum quod in se est sanctissimae Trinitati, et beatæ Virgini Mariae consecrandum.
 7. Necessitates propriae, et proximi Christo Domino reverenter et cum fiducia aperiendae.
 8. Gratia Dei, beataeque Virginis ac Sanctorum protectione suppliciter petendae.
 9. Vota ex intimo cordis affectu renovanda.
1. *Ora Deum Patrem.* Pater sancte, quomodo tu, cuius tanta est magnificentia, ut nulla queat explicare creatura, quem coeli et terra capere non possunt, dignatus es me, pauperem et humilem servum, admittere ad tuam regalem mensam, in qua non agnum typicum, sed sanctissimum Filii tui corpus proponis manducandum, in qua sunt omnes deliciae paradisi, et epulantur nobiscum Angeli sancti? Ita egisti, piissime Pater, non propter mea merita, sed propter nimiam caritatem tuam quā dilexisti me. Quantum igitur dignus es amari; et quae esset durities cordis mei, si non redamarem te. Amo te, ô mi Pater! et magis amare volo; sed ut amem quantum debo, dilata me in amore, ut discam interiori cordis ore degustare, quam suave sit amare, et in amore liquefieri et naturare. Tener amore, vadens supra me piae nimio fervore et stupore. Cantem amoris canticum; sequar te dilectum meum in altum; deficiat in laude tua anima mea, iubilans ex amore. Amen te plus quam me; nec me, nisi propter te; et omnes in te, qui vere amant te, sicut iubet lex amoris lucens ex te. Aperi, Domine, cor meum in lege tua, et in praeceptis tuis doce me ambulare. Da mihi intelligere voluntatem tuam, et cum magna reverentia ac diligent consideratione be-

neficia tua, tam in generali quam in speciali memorari; ut dignè tibi ex hinc valeam gratias referre, et ex intimo affectu tibi adhaerere ac servire. Amen.

2. *Ad eundem.* Gratias tibi ago, Domine sancte, Pater omnipotens, aeternè Deus, qui me peccatorem indignum famulum tuum, nullis meis meritis, sed sola dignatione misericordiae tuae, satiare dignatus es pretioso corpore et sanguine Filii tui Domini nostri Iesu Christi; et precor ut haec sancta communio non sit mihi reatus ad poenam, sed intercessio salutaris ad veniam. Sit mihi armatura fidei, et scutum bonae voluntatis. Sit vitiorum meorum evacuatio, concupiscentiae ac libidinis exterminatio, caritatis et patientiae, humilitatis et obedientiae, omniumque virtutum augmentatio: contra insidias inimicorum omnium tam visibilium quam invisibilium firma defensio; motum meorum tam carnalium quam spiritualium perfecta quietatio; in te uno ac vero Deo firma adhaesio, atque finis mei felix consummatio. Et precor te ut ad illud ineffabile convivium me peccatorem perducere digneris, ubi tu cum Filio tuo et Spiritu Sancto, Sanctis tuis es lux vera, satietas plena, gaudium sempiternum, iucunditas consummata, et felicitas perfecta. Per eundem Christum Dominum nostrum. Amen. (*Ex D. Thoma Aquinate.*)

3. *Ora Filium.* Omnipotens, sempiterne Deus, conservator animarum, mundique redemptor, me famulum tuum ante maiestatem tuam prostratum benignissime respice; et sacrificium quod in honorem nominis tui pro salute fidelium tam vivorum quam etiam defunctorum, et pro peccatis et offenditionibus meis obtuli, piissime respice; iram tuam a me remove, gratiam et misericordiam mihi concede, ianuam paradisi mihi pande, ab omnibus malis me potenter eripe, et quidquid proprio commisi reatu clementer indulge. Sic in hoc saeculo in praecepsit tuis fac me perseverare, ut dignus electorum gregi copulari officiar, te praestante, Deus meus, cuius nomen benedictum, honor atque regnum permanet in saecula saeculorum. Amen.

RHYTHMUS SANCTI THOMAE AQUINATIS

ad sacram Eucharistiam.

Adoro te devotè, latens Deitas,
Quae sub his figuris verè latitas;
Tibi se cor meum totum subicit,
Quia, te contemplans, totum deficit.

Visus, tactus, gustus in te fallitur,
Sed auditu solo tuto creditur:
Credo quidquid dixit Dei Filius;
Nil hoc verbo veritatis verius.

In cruce latebat sola Deitas,
At hic latet simul et humanitas.
Ambo tamen credens atque confitens,
Peto quod petivit latro poenitens.

Plagas, sicut Thomas, non intueor,
Deum tamen meum te confiteor:
Fac me tibi semper magis credere,
In te spem habere, te diligere.

O memoriale mortis Domini!
Panis vivus, vitam praestans homini;
Presta meae menti de te vivere,
Et te illi semper dulcè sapere.

Pie pellicane, Iesu Domine,
Me immundum munda tuo sanguine;
Cuius una stilla salvum facere
Totum mundum quit ab omni scelere.

Iesu, quem velatum nunc aspicio,
Oro, fiat illud quod tam sitio;
Ut, te revelatà cernens facie,
Visu sim beatus tuae gloriae. Amen.

4. *Deprecatio ad eundem.* Anima Christi sanctissima, sanctifica me; corpus Christi sacratissimum, salva me; sanguis Christi pretiosissime, inebria me; aqua lateris Christi purissima, munda me; sudor vultus Christi virtuosissime, sana me; passio Christi piissima, conforta me. O bone Iesu! custodi me. Intra vulnera tua

absconde me. Non permittas me separari à te. Ab hoste maligno defende me. In hora mortis meae voca me. Iube me venire ad te, et pone me iuxta te; ut cum Angelis et Archangelis tuis laudem te per infinita saeculorum saecula.

Obsecro te, mitissime ac bone Iesu, ut hage immortalis hostia pro me tibi gratias referat, me tibi reconciliet, me tibi restituat, mihique peccatori veniam tribuat, et ad vitam perducat aeternam. Amen.

5. *Alia deprecatio ad eundem.* O Iesu magister amantissime! fac ut in te requiescant animae nostrae. Diligamus nos invicem, ut simus tecum consummati in unum, sicut tu unum es cum Patre. Sanctifica nos in veritate, ut iam non simus de hoc mundo, sed liberati in eo pressuram et persecutionem patiamur, et sequamur te, magistrum nostrum, quem priorem mundus odio habuit. Domine, serva nos à malo, ut fructum afferramus, et fructus noster maneat. Ita, Iesu sancte, perficiamus cursum nostrum et ministerium quod posuisti in manibus infirmis, ut recipere mereamur coronam iustitiae, et depositum gloriosum quod repromisisti nobis. Amen.

6. *Gratias age, admirare, pete, etc.* O Dulcedo cordis mei, et vita animae meae, et iucunda requies spiritus mei, dulcis Iesu, Rex aeternae gloriae, quem firmae oculis fidei in praecordiis meis iam commorantem intueor, et humiliter prostratus adoro!

I. *Gratias immortales tibi ago pro omnibus beneficiis mihi collatis, signanter verò quòd hodie mihi, quamvis indignissimo, concedere dignatus es verum et immaculatum corpus et sanguinem tuum pretiosum consecrare, pertractare, illudque offerre in memoriam tuorum mirabilium, ad tuam gloriam et in remissionem omnium peccatorum, tam meorum quam illorum pro quibus orare et sacrificare proposui, illoque in salutem et consolationem animae meae cibari ac nutritiri. Quapropter verè dicere audeo: Cibus meus Christus, et ego eius. Multiplico ergo, et quotiescumque respiro multiplicare intendo meam voluntatem in infinitum in tuis laudibus, pre-*

corque beatissimam Virginem, Angelos, Santos, universaque creaturas invito, ut pro me immensas tibi referant gratias, ac sanctum nomen tuum cum summa iubilatione magnificent.

II. *O inestimabili dilectio caritatis! quomodo dignatus es, Domine Iesu, istam indignam, tuam tamen facere habitationem? Haec fuit summae caritatis tuae suprema exuberantia. Quapropter tali benignitate attractus accedo ad thronum gratiae tuae anxius ac tremendus, non quod de tua misericordia diffidam, sed quia peccatis meis confundor, et prae multitudine iniuritatum mearum erubesco. Verumtamen poenitet me peccasse, et cupio emendare quod feci. Deprecor ergo te, misericors et piissime Domine Iesu Christe, ut suscipias me miserrimum peccatorem, dimittas omnia delicta et ignorantias vitae meae, et signanter indulgeas quaecumque hodie antehac in celebratione Missarum et divinis ministeriis proprio commisi reatu.*

III. *O dulcissime et amantissime Domine Iesu, fons gratiae et largitor bonorum omnium! ecce miseras animi et corporis mei tibi pando, tu scis necessitatem meam et infirmitatem, quam patior; quam saepe sum gravatus, tentatus, turbatus et inquinatus. Ad omnia scientem loquor, cui manifesta sunt omnia interiora mea, et qui solus potes perfecte me consolari et adiuvare; tu scis quibus bonis indigo prae omnibus, et quam pauper sum in virtutibus.*

Ecce sto ante te pauper et nudus gratiam postulans, et misericordiam implorans: refice esurientem mendicum tuum; accende frigiditatem meam igne amoris tui, et illumina caecitatem meam claritate praesentiae tuae. Verte mihi omnia terrena in amaritudinem; omnia gravia et contraria in patientiam; omnia infirma et creata in contemptum et oblivionem. Erige cor meum ad te in coelum, et ne dimittas me vagari super terram: tu solus mihi ex hoc iam dulcescas usque in saeculum; quia tu solus cibus, et potus meus, amor meus, et gaudium meum, dulcedo mea, possessio mea, et requies aeterna cordis mei.

IV. O clementissime Domine Iesu, miserere huius loci, et miserere praesertim famulorum tuorum N.N.: concede ut sit hic humilitas, pax, caritas, continentia, puritas, sanctitas: concede ut omnes dignè emendemus nos et corrigamus, et timeamus te, et serviamus tibi fideliter, et diligamus te, et placeamus tibi. Commendo pietati tuæ omnia negotia nostra et omnes necessitates, sed præcipuè N. Miserere omnium, pro quibus sacro-sanctum sanguinem tuum fundisti. Eia, Domine, converte et revoca miseros peccatores: da vivis veniam et gratiam; da fidelibus defunctis requiem, lucemque sempiternam. Amen. *Pater noster*, et *Ave*.

7. *Pete perfectam caritatem.* Transfige, dulcissime Domine Iesu, medullas et viscera animae meae suavissimo ac saluberrimo amoris tui vulnere, verâ, serenâque et apostolicâ sanctissimâ caritate; ut langueat et liquefiat anima mea solo semper amore et desiderio tuâ; te concupiscat et deficiat in atria tua; cupiat dissolvi et esse tecum. Da ut anima mea te esuriat, panem Angelorum, refactionem animalium sanctorum, panem nostrum quotidianum, supersubstantialem, habentem omnem dulcedinem et saporem, et omne delectamentum suavitatis; te, in quem desiderant Angeli prospicere, semper esuriat et comedat cor meum, et dulcedine saporis tui repleatur viscera animae meae, et semper sitiat fontem vitae, fontem sapientiae et scientiae, fontem aeterni luminis, torrentem voluptatis, libertatem domûs Dei; te semper ambiat, te quaerat, te inveniat, ad te tendat, ad te perveniat, te meditetur, te loquatur, et omnia operetur in laudem et gloriam nominis tui, cum humilitate et discretione, cum dilectione et delectatione, cum facilitate et affectu, cum perseverantia usque in finem: et tu sis solus semper spes mea, salus mea, tota fiducia mea, divitiae meae, delectatio mea, iucunditas mea, gaudium meum, quies et tranquillitas mea, pax mea, suavitatis mea, odor meus, dulcedo mea, cibus meus, refectio mea, refugium meum, auxilium meum, sapientia mea, portio mea, possessio mea, thesaurus meus in quo fixa et firma et immobiliter semper sit radicata mens

mea et cor meum. Amen. (*Ex sancto Bonaventura*).

8. *Alia oratio.* Gratias ago tibi, omnipotens et misericors Deus; gratiarum actiones tremende maiestatis tuae, piissime et immense Pater, habeo, quia me indignissimum et nefandissimum peccatorem pretioso corpore et sanguine Filli tui Domini nostri Iesu Christi consolari et satiare dignatus es. Queso igitur, dulcissime Domine Iesu, ut haec sancta communio non sit mihi ad iudicium et condemnationem; sed tuâ gratiâ et pietate sit mihi suavitas et dulcedo, animae meae salus et sanctitas, in omni temptatione pax et gaudium, in omni tribulatione lumen et virtus, in omni verbo et opere solarium, et tutela finalis in morte, ad evadendas omnium inimicorum meorum insidias, et proficiat mihi ad salutem corporis et animae in vitam aeternam; et praesta ut illuc nulla remaneat peccati macula, ubi tua sancta introierunt Sacraenta. Qui cum Patre et Spiritu Sancto vivis et regnas in saecula saeculorum. Amen.

9. *Alia oratio.* Adiuvet nos gratia tua, omnipotens Deus, ut qui officium sacerdotale suscepimus, dignè ac devotè tibi in omni puritate et in conscientia bona famulari valeamus. Et si non possumus in tanta innocentia vitae conservari ut debemus, concede nobis tamen dignè flere mala quae gessimus; ut in spiritu humilitatis ac bonae voluntatis proposito, tibi ferventius de caetero deservire valeamus. Amen. (*Ex lib. IV Imit. Christi, c. 11.*)

10. *Pro omnium necessitatibus.* Domine Iesu Christe, qui per apostolum tuum Iacobum dixisti, *Oráte pro invicem, ut salvemini*, respice propitiis ad preces quas pro singulorum necessitatibus effundimus, et miserere omnium quos fecisti; emitte lucem tuam et veritatem tuam in gentes quae te non noverunt, et adduc eas in montem sanctum tuum et in tabernacula tua. Sanctifica Ecclesiam tuam quam acquisivisti sanguine tuo; et ab ea aufer omnia scandala, dissensiones et schismata, ut tandem aliquando fiat unum ovile et unus pastor. Da Summo Pontifici nostro cunctisque praelatis, ut ovesibí commissas fideliter pascant fructu orationis, exemplo bonae conversationis, verbo praedicationis, et subsidio

caritatis. Sit perpetua in illis oneris sibi impositi consideratio, et sacerdotio fungantur sine reprehensione. Reforma omnes ecclesiasticos ordines, ut et ipsi luceant coram hominibus, sitque in eis virtutum decus et splendor sanctitatis. Reduc omnes religiones ad servorem et perfectionem in qua fuerunt instituta. Da superioribus zelum disciplinae, subditis obedientiam, ut professione suâ omnes digni inveniantur. Da praedicatoribus vocem virtutis, ut à coeno vitiorum peccatores educant, et perducant ad timorem et amorem tuum. Illumina sapientiâ tuâ omnes reges et principes, cunctosque magistratus, ut subditis sibi populis iustitiam fideliter administrent, pacem diligent, Ecclesiam venerentur, mandata tua custodian, et de hostibus sanctae fidei, te protegentem, triumphent. Defende fideles tuos à fame, peste et bello, ab omni angustia et calamitate; et illos adiuva quos affligi et tribulari permisisti, ut omnes sibi misericordiam tuam sentiant adfuisse. Ne sinas eos labi qui in periculo et occasione peccandi versantur, eosque conserva quos gratiae tuae pretiosissimo munere locupletasti. Adesto agonizantibus, ut verâ contritione purgati, et amore tuo succensi, diaboli insidias evadant, et à damnatione perpetua liberentur. Memento tot miserabilium peccatorum, qui in foveam peccati mortalis infeliciter lapsi, sine ope tua inde emergere non possunt, et ubiorem da illis gratiam, ut surgant et resipiscant. Omnibus item inimicis nostris caritatem et dulcedinem tuam benignus infunde, et libera nos à malorum insidiis. Da illis quos ego offendi aut scandalizavi, veniam peccatorum et veram emendationem. Omnes autem amicos et benefactores, consanguineos, affines nostros, illustra gratiâ tuâ, succende amore tuo, ut te solum querant, te solum diligent, omnique tempore opera illorum plena inveniantur in oculis tuis. Custodi omnes mihi commissos et commendatos, et pro quibus orare debeo, praecipue verò N. et N.: rege et salva eos iuxta beneplacitum tuum, ut nemo ex illis pereat. Succurre omnibus pro quibus me orare tu vis, et ego nescio. Protege servos tuos omnes qui te maximè diligunt, quam-

vis eorum numerum et nomina ignorem; iustis autem tepidis et imperfectis auge fidem, spem, caritatem atque fervorem, ut ad culmen perfectionis citò perveniant. Respic benignis oculis animas in purgatorio detentas, illas praesertim quae suffragii nostris magis indigent; et da illis requiem sempiternam. Meî denique memento omnium miserrimi et indignissimi, qui gratiae tuae auxilio tanto maiori prä caeteris indigèo, quanto infirmior sum et ad malum prionor. Extingue in me omnia terrena desideria, et ignem tui amoris accende. Posside me iugiter secundum beneplacitum tuum, ut te in omnibus et ubique inveniam, donec per felicem mortem ad te merear pervenire. Amen.

11. *Ad beatam Virginem.* Memorare piissima et inclyta Virgo Maria, mater misericordiarum et totius consolationis, à saeculo non esse auditum quemquam ad tua praesidia currentem, tua implorantem auxilia, aut tua potentem suffragia à te esse derelictum. Idcirco tali animatus fiduciâ ad te, Virgo Virginum, Regina coelorum, et Domina Angelorum, ô Maria Mater Domini nostri Iesu Christi, confugo; ad te, Stella maris, curro; coram te gemens et tremens assisto.

Noli, ô Domina mundi, clementissimas aures tuae pietatis, ob ingratitudinem meam, ad clamorem meum claudere. Noli, Mater omnium, ab omni benignitate me excludere: sed benignè fac mecum propter nomen sanctum tuum. Noli portas coeli ob scelerá mea iugiter obsevari; sed reporta me ad portum gratiae, à qua ingratus exivi, per quam tu mundo vitam et salutem reportasti.

Noli, Regina gloriae, ob tuae celstitudinis gloriam, mei peccatoris oblivisci, sed memor esto fragilitatis meae, et adiuva me propter magnitudinem gloriae tuae. Noli solitam pietatis tuae manum retrahere, sed tolle quod metuo, largire quo careo, indulge quod offendeo. Noli, aeterni Verbi Mater, verba mea despicer, sed audi propitia, et exaudi me ad te in hac lacrymarum valle clamantem, nunc et semper, et in hora mortis meae: O clemens! ô pia! ô dulcis Virgo Maria! Amen.

12. *Ad beatum Ioseph, virginis Mariae sponsum.* Coelitum decus, nostrae certa spes vitae, columnam mundi, sanctae Ecclesiae oeconome, qui panem vitae, quem suscepit, et frumentum electorum conservasti, Virginum custos et pater, sancte Ioseph, cuius fideli custodiae ipsa innocentia Christus Jesus, et Virgo virginum Maria in terris commissi sunt; te per hoc utrumque carissimum pignus tuum Iesum et Mariam obsecro, et obtestor, ut me ab omni immunditia praeservatum, mente incontaminata, puro corde, et casto corpore Iesu et Mariæ semper facias castissimè famulari, divinoque huic convivio assistere. Per, etc.

13. *Ad omnes Santos.* Avete omnes electi et dilecti Dei, Angeli et beati omnes, praesertim N. N. quibus me nunc et semper humillime commendo. Ego indignus laudo, honore et imploro vos; et in augmentum gloriae et exultationis vestrae, offero vobis, omnis salutis bonique fontem et thesaurum, nempe dulcissimum cor Iesu Christi Domini nostri. Gratias ex corde ago Deo, qui vos elegit et iustificavit per immensam gratiam suam; qui praevenit vos in benedictionibus dulcedinis sue, quique vos conservavit in via per omnia salutis obstacula, et sic demum beatificavit in gloria. Gratias aeternas ago Deo, pro omnibus donis et beneficiis, quae in tempore dedit vobis, et in aeternum datus est.

Eia, felices amici Dei, obtinetе mihi, clienti vestro, plenam peccatorum veniam, et perfectam mei ipsius abnegationem; ut, per viam angustam, sequare vestigia vestra; sed et pacem Dei, quae exsuperet omnem sensum, seu tranquillitatem animi; intimum et sincerum Dei amorem quo vos omnes succensi, mundum, carnem, daemonem, et omnia vitae praesentis adversa fortiter et gloriouse vicitis, per vos supplex exposco. Orate, queso, pro me, nunc et in hora mortis, quando hinc migraturus, et ad summi Iudicis horrendum tribunal sistendus sum, ut non intret mecum in iudicium, sed secundum infinitam misericordiam suam me iudicet; ut sic tandem admitti possim in felicissimum yestrum consortium, in illa superna Ierusalem, ubi simul laudemus

MARIN T DIE DOMINICA. ac superexaltamus Deum ac Dominum nostrum in saecula. Amen.

GRATIARUM ACTIONIS POST MISSAM EXERCITIA.

PRO SINGULIS HEBDOMADAE DIEBUS.

Observatum est suprad., pag. 67 et 207, permagni referre ut, peracta missa, aut communione, non statim a templo sancto Domini recedamus, sed sufficiens gratiarum actioni tempus impendamus, suavissimo fruentis hospite nostro, et gustantes quād bonus sit his qui recto sunt corde.

Hunc autem in finem, sequentia dare duximus exercititia, ut (dictis, redeundo ab altari ad sacristiam, antiphona Trium Puerorum, et cant. Benedicite, cum Ὅ. et Orationibus, ut suo loco ponuntur) inde quisque seligere possit quod magis arriserit fastidiumque ex crebra unius repetitione nasci solitum, pellere ac removere.

DIE DOMINICA.

Hymnus. Dan. III.

Ant. Benedictus, etc.

Benedictus es, Domine Deus patrum nostrorum: et laudabilis, et glorusus, et superexaltatus in saecula.

Et benedictum nomen gloriae tuae sanctum: et laudabile, et superexaltatum in omnibus saeculis.

Benedictus es in templo sancto gloriae tuae: et superlaudabilis, et supergloriosus in saecula.

Benedictus es in throno regni tui: et superlaudabilis, et superexaltatus in saecula.

Benedictus es, qui intueris abyssos, et sedes super Cherubim: et laudabilis, et superexaltatus in saecula.

Benedictus es super sceptrum divinitatis tuae: et superlaudabilis, et supergloriosus in saecula.

Benedictus es, qui ambulas super pennas ventorum,